



Broj: 01/1-50-1-8/07

Sarajevo: 12.04.2007.

Z A P I S N I K
sa 8. sjednice Ustavnopravne komisije

Sjednica je održana 12.04.2007.godine s početkom u 09,30 sati.

Sjednici su prisustvovali članovi Komisije: **Šefik Džaferović, Drago Kalabić, Lazar Prodanović, Halid Genjac, Momčilo Novaković, Ekrem Ajanović, Martin Raguž i Slavko Martić.**

Član Komisije **Vahid Hećo** je bio odsutan sa 8. sjednice Ustavnopravne komisije zato što mu je istekao mandat u Predstavničkom domu izborom za ministra u Vladi Federacije BiH.

Pored članova komisije sjednici je prisustvovao Petar Kovačević ispred Komisije za zaštitu osobnih podataka.

Sjednici je prisustvovao Milan Zjajić, koji je obavljao poslove sekretara Komisije i pripravnik Đenita Pašić zaposlena u Sekretarijatu PS BiH i student stažista Ajdin Brčaninović.

Sjednica je završena u 10,00 sati.

Predsjedavajući je predožio, a Komisija jednoglasno prihvatila sljedeći:

D N E V N I R E D:

1. Izvještaj o zaštiti osobnih podataka u BiH i o radu Komisije za zaštitu osobnih podataka;
2. Ostala pitanja.

Ad. 1. Izvještaj o zaštiti osobnih podataka u BiH i o radu Komisije za zaštitu osobnih podataka;

Prije otvaranja rasprave predsjedavajući se izvinio članovima Komisije zbog neuobičajenog termina za održavanje sjednice ističući da je do toga došlo jer je na dnevni red 7. sjednice Predstavničkog doma predložen Izvještaj o zaštiti osobnih podataka u BiH i o radu Komisije za zaštitu osobnih podataka pa je neophodno da nadležna komisija da svoje mišljenje.

Zatim se članovima Komisije obratio Petar Kovačević predsjedavajući Komisije za zaštitu osobnih podataka ističući da još uvijek, iako su stvorene sve pravne pretpostavke, nije došlo do formiranja Agencije i da svi članovi Komisija za zaštitu osobnih podataka ne obavljaju profesionalno svoj posao nego su angažovani na drugim poslovima.

Naveo je uporedne podatke o tome kako su ovo pitanje rješile zemlje u okruženju i dodao neke podatke o izvršenoj edukaciji u okviru Tvining projekta.

Komisija je, zatim jednoglasno utvrdila sljedeće:

1. Izvještaj je podnešen na osnovu člana 40. stav 1. tačka c) u vezi sa članom 56. stav 2. Zakona o zaštiti osobnih podataka ("Službeni glasnik BiH" broj 49/06).
2. Izvještaj sadrži dovoljno podataka o radu Komisije za zaštitu osobnih podataka i o zaštiti osobnih podataka u Bosni i Hercegovini.
3. Ustavnopravna komisija je konstatirala da su ispunjeni svi uslovi da se u skladu sa Zakonom za zaštitu osobnih podataka formira Agencije za zaštitu osobnih podataka koja bi se profesionalno bavila pitanjima zaštite osobnih podataka u Bosni i Hercegovini. Ustavnopravna komisija predlaže Predstavničkom domu Parlamentarne skupštine Bosne i Hercegovine da usvajajući ovaj Izvještaj usvoji i Zaključak kojim se obavezuje Vijeće ministara Bosne i Hercegovine da bez odlaganja preduzme sve aktivnosti i pristupi formiranju Agencije za zaštitu osobnih podataka.

Za izvjestioca na sjednici Predstavničkog doma imenuje se predsjedavajući Komisije Šefik Džaferović.

Ad. 2. Ostala pitanja

Kako nije bilo drugih pitanja predsjedavajući Džaferović je u 10,00 sati zaključio sjednicu.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Šefik Džaferović